

書

嘯雪菴題咏

二

集

茂苑吳綃水仙

風雅會
晴苦平主

歲在戊申。僑居邃步。于時勾萌應律。硯北

冰融。青帝回旌。枝南雪瑩。唱桃花之舊

渡。明月依人。和楊柳之新聲。輕烟撲面

時憑短咏。消此長愁。偶拈長慶遺編。得

春生倡和詩。繼成八首。聊將下里之音

輒賡陽春之誦

可處生春。蚤春生。潭府中綺羅承麗日。絳管度

曲

和風西閣幽香暖。蘭堂瑞靄。朝來迓青帝。佩玉向郊東。

何處生春。春生錦窟中。曲房花窈窕。院月朦朧。試舞霓裳。和宜粧金粉。濃鴛鴦。七十二羅

列自西東。

何處生春。春生鳳幄中。巫山雲井。楚岫雨濛濛。好夢迷難覺。嬌魂醉欲融。不禁鶯語喚。旭

日半牕紅。

何處生春。春生綺席中。酥醺香更異。海錯味

備豐色。擲祈逢喜籤。抽怕犯紅歡。濃防漏促。秦

客莫外。

何處生春。早春生梅萼中。玉函芳信巧。珠纒點

粧工。踈影侵書幌。清芬透綺櫳。一枝堪入画。斜

倚宋家東。

何處生春。春生烟柳中。腰試素未舞。儵淺已

偷風。張緒渾難擬。妖姬軟約同。陌頭驚少婦。懊

惱翠帷空。

何處生春。春生繡陌中。胡姬青旆酒。俠少紫

駟風博市金盤競。球場彩杖。工喜看新州。一色

半學穠。

何處生春早。春生送臘中。辛盤呈豔雪。甲煎噴

香風。金蕊裁紅小。銀紈暈碧工。司晨莫相促。曉

色已濛。

和周樸園籓侯扇頭原韻

管年漸溟動。征笳半。辭全憑隻手。遮澤晉。雁鴻

沾化雨。波恬鯨鱷湧。祥霞拖。花春水。催飛輓。教

子秋風。穩泛槎。共說鄴侯功。第一能將儲積壯

京華

豉矚文星。汴水送乘芒。喜射白門橋。騷壇獨接

千煠幟。學海全收萬里潮。鴻寶秘。未先貫斗干

將拭後。更冲霄。邯鄲不少蛩吟侶。應望龍門氣

捲消

經支緯。武竝專塲。壽域宏開。被八荒。葵抱丹心

怕捧日。松標楨幹。獨凌霜。名高北斗。還南斗。烈

著清漳。與濁漳。遥望崆峒。瞻氣象。真符河嶽。廣

靈長

一萍飄泊嘆瞻烏幸識山公已不孤自問鷓鴣
甘免伏豈期犀燭拜龍圖芝顏乍覩疑天上樗
質蒙恩盪坐隅從此悵幪知有賴可能終照覆
盆無

上林中丞長歌

聖代重熙綿曆服鞏固金甌調玉燭紫垣清穆
台階平傑佐雲興邁往躅無間古嶽秀色鍾挺
生名冊才誰同連開軍府制方面三千帳下貌
貅雄萬室蒼黔樂負暄聲填衢路聞歌思事業
風流卓千古當年韓范何足論金陵猶步六朝
蹟秦鑿長淮流脉三甘棠茂密舊澤浚休問整
向東山奕如椽大筆香錦箋驅雷掣電揮雲煙
鑑金憂玉王楊句福國壽由李杜篇朝略廟謨
方倚重嬰兒黃髮爭呼頌君者補袞九霄間永
翊太平稱大用

戊申中秋林孝廉道長新構初成賦詩奉

贈

神仙洞府中丞第飛閣層臺雲錦麗復道虹乘

蕩彩橋輝煌戟戶深：處新金屋更稱奇成青
漆雕標金鏤榻宛轉長節響屨擬玲瓏曲檻臨
春期朱闌翠箔影參差中有阿嬌傾城姿媚態
盈：薄飛燕纖腰裊：鬪西施慵粧不為春恹
懶欲索仙郎與画眉林蘭築室實堪誇翰墨圖
書列五車荆關落筆山對活顏柳麻箋兩聲斜
簾外能言隴右無屏閣含咲日南花行來到處
九枝光照遍鴛鴦十二行蟾波煖漫瓊瑤砌鵲
惱濃薰菡萏房果惡日射明如綉縹緲流蘇攏

異香初成正值中秋節朱盤方丈當明月攬逾
斜展踏香塵小隊梨園按方徹名姝國士去無
倫鸞鳳和鳴共歡悅嬌歌艷舞直正長已動春
旗宴未共珠簾半捲銀河瀉寶炬頻銷玉漏長
大廈輦飛鸞雀賀蕭條旅館愁風露能送兼金
倚草堂如展西江濡涸鮒明珠欲報愧窮途聊
把浚誠託細素

金陵元宵美人燈詩步騫湖黃皆今韻二

首

結束新燈作女郎西河劍器乍登場蠻靴鈎小
看纖趾粉面花輕自薄粧蜂影通宵連紫塞鼓
穀到處似漁陽姮娥袪解霓裳舞好把刀環比
月光

軍裝錦袖新燈樣爭看佳人似水蘭數片落梅
金鎖盛一鈎新月寶弓彎香生粉面苑花暖烟
拂纖蛾柳葉殘試與琵琶應解奏休嫌紫塞隔
關山

鳳鳥牡丹圖壽大司空燕石楊公

豈比積玉皆夜光紛緋珠樹生成行火鳳襪
五色科晨曦射彩鳴歸昌鄉雲爛熳台階平岩
窈八柱承太清應德飛來集阿閣鴻鵠注喙鶴
鶴鶩國色濃華匝地開香風吹滿中天臺一片
彤霞誰剪刻春息澹灑紅螺杯霓裳聲戛雲駐
空繁絃急管相琤縱孰向東溟量碧水能知介
壽常如壙

春遊僻園和荔裳宋觀察韻

中丞開別業選勝古長干樹老柴門窄泥香屐

齒乾置亭招奕客
劇笋稅園官坐愛
江天晚斜陽獨倚闌

冶游喧士女車馬竹林西路傍
薰葭入行因缺
捷迷遠山青不斷
芳艸綠初齊
北舍饒新釀
清

擗處：擣

畫廊標物外
邾復似人間
石色連松影
波光亂

竹班巢雲
芝鶴鶴
佐酒出鮐鰓
况值初弦月
高

歌未擬還

憶在山陰道
扁舟到寓園
側看巖際屋
直似画

中村勝賞今難再
風流此尚存
由来歌舞地
應

在謝公墩

再和春遊僻園原韻

愛得平泉勝
相期修禊來
玉盤當竹洗
銀甕為

花開湯訝登龍彦
爭誇吐鳳才
行：錦步障桃

李逸廊栽

綠深陶令宅
絕勝亞夫營
曲檻覆虹落
方塘一

鏡明花飛迴
舞影鶯唱雜
歌聲游屐香
塵暖春

衣折券更

僊客桃方綻芳園柳正眠名棋真作隱佳句不
妙禪吐上星初聚簾前月已懸夢花添錦段深
羨筆如椽

戀遊還秉燭花影撲書牀心醉蓬壺境神留錦
繡鄉聯吟追白雪接玉踏青陽却咲臨邛客春
寒典鸛鷁

送林中丞重鎮楚中

帝懷南服煩元老節鉞重臨舊渚宮江漢更沾
姬伯化亭臺還楚王
拂輕裘峴首春光裡清

嘯黃樓夜月中躡看鶴書徵入輔熙朝柱石定

需公

一顧深恩感詎忘掃荆糜路獨徬徨常瞻福曜
層霄裡遙睇仙槎二水旁酌德愧無珠在握臨
岐袪有淚沾裳自憐不及鑿江絮得逐龍旗到
武昌

贈蘧林張少司馬

玉堂學士今山斗中樞秘閣鞞鞞以寧唯三策
冠大廷德業文章俱不朽碧山道遠做十年朝

端求舊需英賢即今內外賴安攘金甌姓氏知
無前憶管東海罹竒殃雷霆九夏扶飛霜我公
舉手沾枯骨群邪解駁回陽春廬室漂搖逐浪
迹車塵忽拜長干陌報德慚無珠在握酌恩後
有淚橫臆祝公旦晚登承明坐調鼎萬致升平
匪特覆盆當白日瘡痍薄海仰生成

贈籀菴表荊州

秦川自管擅風流蕭散滄洲鬢未殊紅燭笙歌
楊柳岸青山書畫木蘭舟門前積雪供高臥扇

虛揚風播上游十載登龍徒有急飄蓬何處識
荊州

假山行

吳楚東南天地坼轟轟包山截巨壑龍威丈人
竊書處玉石紛紛爭碌落夏雲變化竒復竒竅
穴玲瓏鬼神作豪家好事多名園粉壁紅牆隱
亭閣稜嶸山骨出重淵一片千金恣搜索山鬼
位頭筋骼粗猛獸張牙露齧齧巧工絕藝天下
無轉礪迴谿任規度仙掌巨靈破龍門大禹鑿

鞭石移山功用多
九仞青蒼開岵嶸
烏目重來是舊游
往日經營添薛駁
吾亦愛石如米顛
數畝家庭頗寬廓
洞庭花石致不遠
毡裹車牽慙力薄
數峯突兀指撫成
何用尚平尋五嶽

次韻答贈

冠世才華擅絕難
威雄旄鉞盡爭看
藝林直上千層影
學海猶翻萬頃瀾
品異從間蘭共似
格清露外玉同般
龍門豈易輕躋陟
何事今朝屬綺紈

生無蕙質愧蘭房
班謝儔中敢較長
幸入瑤宮光燦燦
兼承雲藻韻瑯瑯
玉笋擲脆調鶯語
錦瑟聲繁促鴈行
何啻碧城高十二
鴨爐香氣逐花香

命石邢君出示所画山水障子黃皆令贈

詩索和旅窓月下乘興戲書

鑑画如鑑影所賴
明鏡懸伊余矍眊
鈍觸境每茫然邢
君董巨儔落筆能
通仙遺我一幅素
丘壑生雲烟秋風
落木秦淮邊清譚
霏玉屑玄

牛腰長卷承惠示乃是江夏大家珍贈之鴻篇
竭來聞名餘數年欲往從之隔山川焚香拭几
試展翫縮息大平已在前摩娑吟誦不能句如
泛渤溟難溯沿元氣盤礴自太古峯迴嶺復相
綿延惘恍迷離莫可測直與圖画爭新鮮銀鈞
錯落更奇絕駟珠端軸何勻圓愧余識字不識
格毋乃美女簪花若此之媚妍春烟飄：靈和
絲秋水盈：傾城姿可憐塗鴉亦附之無益浪
踵西家施珠玉在側形我穢怕見法眼別妍媸

掩卷位眉亂懷抱停雲正遠長安道

金陵呈點公陳太史年伯

玉堂學士文章伯海內騷壇素矜式相逢不願

萬戶侯荆州眉宇爭求識平干憶管十年前鼓

臺漳水正春天官署蕭條閑幽寂閑情聊爾娛

詩篇朝花林月蟲魚句我公一見深相許自慚

才調豈昭容鳩支郊得燕公叙中心藏之弗敢

諛宛陵渺：限山川飄：旅跡方蓬轉忽拜車

音桃葉邊斗山方喜覩顏色征軺俄指青齊陌

未滿玄燕跡參差惆悵道客交辭失曉余又理
歸吳船知己蒙恩祗自憐逆遶秣陵關畔路停
雲落日忽凄然

題山水

長江無際拍天流江上雲山路阻修翠壁丹梯
何限好不堪偏隱庾公樓

菀葉新波一丈深楚天遙睇隔青岑山長水濶
無涯意未抵啣匙一寸心

題水心秦司馬牡丹扇

幾苞深艷色百卉護春工天上香偏異人間種
算同形雲開霽景清旭麗和風重傳欺何晏濃
薰避賈充殘陽經雨後芳氣帶烟中可稱長吟
客誰憐獨嘯翁啣匙欲化雀入夢願為熊卧轍
悲無術行旌映日紅

奉和道長林孝廉

午橋宅前春始芳參差日畔錦成行鳴翠仙禽
刷羽翰引吭長吟玉砌旁珠簾蕩影香風來爛
燭珊瑚英次第開已羨丹砂和露吐還欣艷粉倚

雲栽麒麟高閣鳳凰池誰似君家並得之董博
鴻篇三策貴許公佳胤九重知金堤楊柳碧於
絲正是看花上苑時翩翩會見冲霄去獨占瓊
林第一枝

題画

木落空江碧芙蓉照水紅行吟鴻雁月長嘯鯉
魚風古渡淒涼境秋光黯淡客旅窗閣點綴拜
腕未能工

題梅上某藩臺

吾聞羅浮峯其高三千六百丈翠屏岩崑崙天
半琪葩玉樹蔽空濛蚪枝屈鉄交凌亂又聞孤
山處士家蘄阿深閉羅浮花踈影黃昏蘸清泚
獨鶴橫空月欹斜儂家住近要離墓鄧尉參甕
兩槩渡十里青山盡種梅香雪續紛沒行踏一
從身墮紅塵間三年夢斷銅坑山姑射瑤姬水
玉骨相思不見凋朱顏客牕蕭條旅懷孤鉛筆
淋漓信手塗恍疑翠袖倚修竹翻身跳入仙人
壺南園草綠春霏微華虫刷羽乘朝暉會着大

用調羹日好共山龍補衮衣

贈陳不易

君相能造命聖賢能立命否則悠々任運行窮
通飲啄皆前定嗟哉我生值數奇頻年踪跡信
萍移萍：前踏向誰是進退觸藩舉足疑江右
陳君操神術千番射覆不失一楊朱岐路正徘徊
片言立使西東決古來方技多絕學唐舉擅
相君平卜與子言孝臣言忠名理玄談並濂洛
陳君術同道亦同示我曰依愕夢中從此行藏

不再計頽然一笑聽蒼穹

題画

輕雲如絮拂澄潭遠岫初晴不起嵐十里荷花
半城柳依稀風景似江南

上欒園周藩侯

江山迴合拱雄藩岳牧分符擁画藩千里仁風
揚綺陌四時膏雨從雕軒魚懸薛上水同凜雀
鶻塔墀露正繁威懾鯨鯢皆向化政敷蟲鳥竝
啣恩桑麻被野尤多慶苑李成蹊掩不言棠蒂

濃陰爭蔭葉蓬颺斷梗偶依根有人方下乘危
石何路能披以覆盆皎鏡自應無遯影殊陽深
異獨沉冤質緣巾幘慚投謁思極悵幪荷法存
儘展洪波噓涸鮒下垂喬木息窮猿殊施未信
西江濶暖律偏令北陸暄散道雪泥栖旅跡遙
瞻露冕慙羈魂鏤將貞碣心為銘報取明珠淚
有痕從此孤嫠知永賴春臺枯骨許重溫

奉和林公題壽峯扇頭七言律一首兼次

京韻

愛得清曜辟穀顏道家風致更幽閤香寒庾嶺
無塵味春暖羅浮異世間雪乳自非凡艷種青
蓮原是舊仙班月明何處曾留跡林下如聞玉
珊珊

和范晴齋菊影原韻

寒地分窓紙澹描老圃香朦朧籬下白髣髴額
邊黃霜柔摹江管秋容學道粧滿鼓臨澗水延
壽憶南陽

長干旅次贈漱嵩李邑侯

海虞夙號繁華地黔首十萬樂生聚滿城飛李
爛春風禾稼青：滋直雨言游舊里阿巷在千
秋遺得絃歌治邇年旱潦頗作殃蕭條載道遊
牂羊恭承我侯來撫字頓今比屋生春光澤厲
雖：蔭蒲稗馴雉角：依柔桑瘡痍方期永戴
德青蠅胡然玷白璧慈母共職嬰稚啼何限窮
黎仰天泣方今旭照麗層霄朝廷公道寧以鬱
憶管輅婆蒙覆盆霜飛九夏控無門我侯抱牘
不恐署枯槁幸爾賒殘魂沈寃未雪皮骨盡一

萍逐浪難依根寄跡長干月當九索：寒風振
衰柳故園杳渺隔雲山時為神君重回首蹙然
空谷窸車音忽枉干旄賁蓬藪獨憐飄泊正窮
途旅跡迢遙形影孤報德有懷無結艸感恩無
力未啣珠祗餘一掬酌知淚灑遍棠陰幾萬株
題墨牡丹
銀蟾照羅幕風動香飄渺不憚直深看傾城影
亦好

贈副戎李玉廷

蔚藍天宇澄秋光芙蓉吐豔桂飛香
瑞靄集佳雨不數平泉莊初筵再啟
羣真會高歌進酒樂未央將軍家世
三韓豪蕩業相傳有佩刀麾下偏裨
勝虎旅陣前制勝習龍韜倚天寶劍
正鳴匣如斗金印看垂腰竭來咲傲
長干里雕甍碧甃連雲起花開玉洞
霞照天柳拂金溝錢布地秋水橫刀
立從官夜珠墜釵迴舞伎旅人寄跡
繁華鄉時拜恩施感詎忘佳辰喜值
懸孤日頌禱敢嗣生申章玉壺借得
餘杭酒聊

託蕪詞引一觴

題画

謝庭嘉樹競青葱國色天香合一叢
滿目韶華金谷裡三春花事玉堂東
白頭對語遲三日錦翅齊翻艷
風為擬詩人稱善頌滿浮仙瀨祝
如壙

戊申孟春送女子歸金陵言別寫得子圖

并題祝贈

薰風昨直到金塘瑞靄氤氳護錦房
繡羽枝頭

歡得子丹鱗葉底蘆成行蘭幃有夢熊傳喜綺
閣含春燕叶祥靈沼澄波方浩蕩年々常得奉
恩光

題画

東皇暖律催花事露染烟涵春滿處好風時覺
繡衣香丽日偏傷韶景媚誰剪神霞片々明鄂
君錦被籠朝睡梓澤堪憐國色嬌一聲杜宇驚
殘醉柳々枝邊粉板輕莊生未醒夢盈々小叢
幽谷伊曾到却又高飛上苑榮如雨頻催春漸

老媽紅憔悴若為情

題芙蓉圖

秋路淨如拭木末披芙蓉輕紅蕩曲渚密影連
芳叢流炤日色冷乾聳天宇空苔磴若雲綴水
漱魚相從襪襪白雪羽頰影蒼烟中仙人吹鉄
笛響激生凄風溯洄薰葭側丽景看無窮

贈黃孝廉子政

弄裘節鉞有光輝才器如君一世稀舉體芳蘭
生楚畹盈篇文錦出星機紅樓香煖金釵列綠

楚風清珠履歸南溟水寬鵬翮健花驄應傍杏
園飛

上某公

帝命忠良裔東南秉化樞紫微留上闕油幕蒞
中吳雨露承天澤風霆略地隅太平生有象富
庶各無虞軍國資元老屏藩協廟謨滋蘭薰薄
俗偃艸恤民瘼理劇絃調瑟推誠鼓應梓福星
臨迥野樂土似仙都功業青冥閣歌謠白日娛
舊堂開畫錦新榮展雄圖佇看皋夔侶齊肩富

范儒台階明玉燭瀛水隱金壺惠政民嘉杜高
門慶集于延陵家自久太岳胤偏孤雀角甘棠
訟烏頭雨粟拘何當懸水鑑得喜仰洪鑪三面
開羅網傾河救涸枯依：回顧印浩：報恩珠
矯首為龍竹微心集鳳梧億千筇踴躍九萬快
搏扶鼎鼐應調燮絲綸自久俞清規無以况日
月繼高衢

戲和黃庄薛間韻

飄泊隨風到此庄
端林楓葉醉新霜
靈洲涸轍

蛟龍困未遇雲雷且韞菴

辛為棋芍藥為房舉案佳人勝孟光跨鳳雙飛

雲外公舍東存有似車桑

次水心秦郡司馬原韻

蔭世多于若木枝高風傑概是男兒思同膏雨

沾吳會才過龍淵著盛時赤子歌聲方自替天

公祚德不妨遲應如一曲陽春調不似已吟易

見知

題堂上白頭送黃給諫石公之滇南

玉堂春暖韶光好枝上仙禽兩白頭綦野烟霞

新韻致推垣花舊風流遲：曉日迎青瑣木黯

黯江雲遶翠樓遙送金鞍芳艸踏點蒼山色照

征裘

雪獅行 有小序

丁未冬客寓桃葉渡頭大雪經旬瓊堆

玉積雖羈愁岑寂中亦可謂之巨觀也

戲今小鬟掃之呵凍手塑狡狴爪牙生

動鱗甲晶瑩可愛賞玩信宿忽為陽鳥

促公中心感焉因作歌以傷之云爾

飛瓊散花：盈尺收得千筐塑白皚雙目星懸
玉甲明鋸牙鉤爪鱗頭額猙獰獨座勢何雄伏
犀擗象真喧赤曾聞一吼搖五嶽驚動山靈不
貼席誰家馴養崑崙巔獻瑞來從安息國冰為
心兮霜為質振其威兮憐其德巍：風生鬣群
獸凜：清寒閑自適羲和無情縱轡至化作巫
雲畱佳不今朝只剩水半杯弗見壺形令我悟
嗚呼人生亦如此莫笑雪獅身不固

先司成自詹事移南雍蘭陵以貴游子弟
有文譽于一時余年始二十餘從良人
于公署司成私宅有紅蓮碧沼夏日清
晏閒然無塵筆墨相賞亦不辜當年風
月也沼中蓮開竝頭客以為余夫婦之
瑞作百韻詩為賀瞬目三十年恍如一
夢高門鬼瞰藐然孤身梗泛萍流復來
此土追尋往跡步：恨惜自赤烏開國
江馬南遷李唐納土迄于有明興亡之

感可歎者多矣。余一女子，蓋不足云也。
聊成數律，讀者其知吾志。

國學

庠序承平尚古風，筭年從宦寓南雍。
春秋禮物羅籩豆，晨夕衣冠聽鼓鐘。
司成晨高殿觚稜餘綠草，
禡鳴鐘斷碑螭首半苔封。
重來曲沼尋荒徑，無復池蓮照眼紅。

鍾山

此中王氣屬何人，陵谷空悲萬事新。
四世稱尊

如過隙百年江表亦窮塵，可憐老樹迷歸雀。
猶有荒蕪臥石麟，身謝國亡都一種。
伯圖帝業定誰真。

石頭城

隋室平陳六代休，古碑無字艸艸悠。
紛紛故跡隨風盡，寂寞空城見水流。
百戰曾聞燒鉄鎖，一隅爭得似金甌。
吾來却憶盧家事，兩槩還應送莫愁。

清溪

甲第朱門成往事溪流曲：浪差：綺羅逐勝
爭佳日花柳當春又一時古石生苔江令宅遠
山凝儻小姑祠舊愁有恨無人解更咏止陳壁
月詩

鷄籠山

壘玉堆青古画圖登臨極目見全吳浮屠風語
聞金鐸碧井秋聲聽轆轤荒廟精靈無血食上
岸禮樂只平蕪細看山色千年在何處英雄似
伯符

烏衣巷

城郭河山事：非佳名猶自有烏衣品流誰與
牛心炙門巷還看燕子飛已見王公營建業又
聞謝遏戰淮淝多才林下誇風氣雪夜當年詠
絮歸

秦淮河

一道清淮練影賒好風吹面不勝嗟紅欄夾水
開新画燈火連空散夕霞輶別回頭成過客重
來舉眼似還家賞心亭下閑游處却把殘樽吊

麗華

玄武湖

景陽樓上曉鐘聲多少紅粧夢裡驚創業英雄
迷遠畧後王歌舞若為情堤邊草色傷心碧湖
面波紋照胆明唯有芙蓉偏稱意秋風十里送
香清

栖霞寺

高人捨宅作禪林梵唱潮聲紺殿深真像巧工
曾琢玉豐碑遺篆不生金藤垂古澗栖禽轉藥

產幽崖野鹿尋蓬轉一身無定止登臨空嘆未
飯心

桃葉渡

雙飛燕事兩殷勤傳得吳聲艷曲新麗質當時
憐一咲名花常自發三春紅粧應照波中影羅
襪偏生面水塵閨閣空教小字在解圍翻憶謝
夫人

東山

獨憑絲竹養天真捉鼻曾嫌貴逼人自為蒼生

懷遠志可知朝野倚閑身
祗持麈尾能安晉纔
罷圍棋已破秦別墅
至今成梵宇魚山聲起
舊歌塵

鳳凰臺

惆悵名臺作古丘
鳳凰何日更來游
三分事業
寒烟碧六代精靈
夢艸愁廢寺尚存
山歷江帆無恙水
悠悠錦袍仙客
畱佳句恰似重題黃
雀樓

端午題贈

競渡江頭雨乍晴
新蒲細柳碧盈盈
鮮葩時草
紛：盛何以葵心向日傾
戲將綵縷繫蟾蜍
恐是嫦娥防範
踈拾得送還
唯博咲更裁花朵
佐粧梳

題扇頭為葉贈陳松戎姬人時姬以抱疴

未晤故云

不是東風偏向吹
可憐春困謝家枝
香凝月冷
開來晚莫恠詩人相贈遲

上別駕公

征帆風滿別金溝柳軟煙絲折宛丘楚：琴聲
悲獨鶴悠：水色逐浮鷗忽鶻巖藻香蓬牖送
想陽春醉玉樓漫捧新詩懷舊德不禁飛夢遠
膺舟
猶記棠陰艤旅船隼旗威肅水窓前爭看五馬
春同茂盡道三吳福正堅載路歡謠鳴玉管淵
城德頌叶朱紉白堤亭下謳吟處更說蒞章駕
樂天

上邑侯新任

帝眷塵巖邑為邦簡大賢自天生德貴維嶽降
神先弁葉麒麟函喬柯鸞鷲騫仁風揚綵旆井
雨從行旃有脚春暉轉無物私冶全化成三月
連惠普四游傳東海沉冤雪南溟冷氣捐根盤
徵利器硯發正英年福曜才迴照妖星早避躔
虎從河上徙魚向壁間懸桃李盈城鄙桑麻鬱
野田豺狼咸惕若鴻鴈恣安然獨悵熒婺跡飄
淪異土邊巢傾雙淚涸盈覆寸心帽喜遇神明
宰新搢長養權迢遙瞻舜日俯仰戴唐天旅夢

縈素梓歸魂度陌阡緬維隨退鷁祇以避饒鷁
秦鏡今當藻温屏莫燭端何時依宇下無路覲
堦前冬日沾和煦秋雲隔緲綿啣珠方寸在先
託感恩篇

榴花得子圖賀午日新婚

喜逢佳節又佳期丹實金苞正及時仙羽枝頭
貪得子夢熊懷燕捻相宜

題画上某公

太平時鄧綺羅鄉謝傳門庭春始長維嶽降神

綿曆祚自天生德叶明良青陽乍喜逢初度繡
褕曾聞遠異香擘：奇萼數今鄧英：瑤草茁
華堂慶雲五色呈三秀寶幹聯輝燦九房遙映
台星紛錯落近依鄉月吐光芒剖圭竹錫姬公
履分陝先濃召伯棠靈建龍旗綏遠服四提鵠
印鎮遐荒天門八翼方齊舉海屋三籌正未央
東嶺清風閑奕局南樓明月據胡牀江城韶景
鶯花發高館華筵錦綺張共以精誠申華祝爭
祈福澤邁汾陽伊予自今閨中覩偶尔來乘江

上航咏絮才情慚道蘊承家學業愧中郎過蒙
拂剪思何渥一受褒旌感詎忘適際高閣掛孤
矢敢賡小雅濫笙簧玉壺貫得餘杭酒繪取仙
芝獻一觴

題遷鷺圖為梁揆戎

長干柳色正盈：谷鳥凌晨刷羽鳴濃翠遠侵
陶令宅高枝獨占亞夫營翩躚映日金衣粲
睨臨風玉管清矯翼雲霄天萬里飛騰直到鳳
凰城

瑞蓮圖為樸園周藩侯題

青猊寶座妙蓮花開向司農甲第家獻瑞湯誇
連理種呈祥還勝竝頭葩丹房層疊承膏露翠
葍參差吐錦霞欲識此花生本處但從忠孝覓
根芽

題画祝壽

瑞靄融：日正長暖風藍圃發烟光珊瑚有實
朝暎淡白玉花開艷雪芳千歲不隨僊果晚一
枝偏奪嶺香梅凌波神女華封祝海屋添壽正

未央

贈林孝廉道長

真人乘運起燕幽，勲貴君家莫與儔。
奮武早時扶帝轂，揆文今藉潤皇猷。
詞誇擲地金聲振，樹擬臨風玉蔭稠。
桂樹高枝先入手，柳芽新譜乍沾裘。
價騰雒紉三都賦，火映星藜五夜樓。
東壁輝生光射斗，西風翅健氣橫秋。
簾深翡翠歌頻換，履集珍珠轄競投。
前列已標麟閣上，嘉稱應達鳳池頭。
許公有子門多祚，素相傳言世拜侯。

佇看杏園春色動，軟紅十里襯驂騑。

題画上邑侯

昨夜西風報早秋，銀塘新漲露華浮。
盈木末霞姿綻淡，籬東霜瘼稠。
花縣莫誇春色好，甘棠偏貴晚香悠。
湘纍點染殷勤祝，一路榮華到白頭。

贈

綵沉苔臥傍水田，遯跡青門已十年。
任俠共知腸似雪，解紛還看筆如椽。
山中名士陶弘景，海

上先生魯仲連此日拊髀方右武風塵寧久息
為肩

策名早許西麒麟絳灌韜鈴隨陸文薄海攬槍
方射斗菰蘆豪傑醜如君塵埋豹畧光仍爛土
拭龍精燭自焚醉尉何妨從偃蹇灞亭行起故
將軍

錦堂春富貴圖

震澤深沉萬頃綠禹穴波濤出蒼玉雨洗雷斲
片、雲疊作簾前山一曲東皇三月春氣融青

袍翠蓋香馥：司花不遣芳意盡穠姿素骨誇
天工皎然一樹當庭立餅試何郎汗初濕蕪葭
爭敢瓊近枝真態不教胡粉衰海棠艷絕胭脂
開杜陵欲咏慙無才青旂當簷卓家女壚頭咲
隱雙紅腮露重香溫牡丹睡西施微倦楊妃醉
天孫織罷玉梭閑亂剪明霞錦花碎鬱金堂中
白日長杏梁乳燕新泥芳美人富貴饒春態只
把花枝比曉粧

恭題郡司馬像讚

一代人龍九臯鳴鶴吐曜星辰誕神靈
嶽霜蕭長松芳凝蒞若濯：丰儀稜：眉目此日丹青
他年麟閣豈如虎頭唯西幼與于丘壑

題牡丹

輕烟凝繡幕淡月籠傾城靜對生春影如聞瓊
珮清

杏林春燕為黃子正孝廉

上苑高枝倚日邊新歸翼燕逐踰躑迷離粉氣
薰人意淡蕩紅暉拂遠天冒樹遊絲吹細：藉

香春艸極芊：風流鴈塔題名客電策花驄入

紫煙

姦花倒掛鳥贈秋臣寧夫人

姑射仙人琢雪姿雲堦月地見凝思翠衣弄影
空山夢丹臆餘香第一枝添線日臨寒欲破汎
蘭風動信初知掃眉才子憐彤管倚檻含情合
有詩

祝壽

悅設華堂瑞靄賒玳筵銀燭醉流霞爭誇祭戟

將軍第即是蓬壺河母家青鳥傳來雲外信碧
苑開遍洞中花東溟浩蕩南山迥共祝遐齡未
有涯

西牡丹為玉礎林中丞

春雲慙情春泥濕鴛鴦瓦灸春暉熱錦堂簾捲
白晝長十二闌邊掃紅雪富貴風流獨殿春牡
丹千朵為朝雲凌空艷色欲飛起古來堪對惟
太真濃香醉人若濃醴東風吹上九闌裡或分
貴主額邊黃或借相公袍上紫蒞蘭席兮傍花

開為獻主人南山杯願主人兮受多祉君恩聯
翩丹鳳來

題芝蘭圖

深谷幽姿歲月長商山楚畹一時芳齋心採得
添靈藥吉夢占來認國香騷客湯誇奪作佩仙
翁曾用茹為糧青：竝茂知何處常叶休徵謝
傳堂

壽徐母八十

婺星耿：照江東。誕育壽母真女宗。虞山琴水

揚清風高門四德兼三從八十容貌奇喬松龐
 頽秀髮青雙瞳相夫偕隱比梁鴻椎髻搽作追
 芳蹤中年冥鵲悲枯桐仰天泣血沾蒿蓬當時
 賢侯召父同旌門表里人爭榮堦前玉樹森青
 葱辛勤教育瘁厥躬斷梳畫荻并丸熊要令支
 史窮三冬高才蔚起伴賈終白華孝養時殮獲
 清時雖鳳與伏龍慷慨人呼東海公嗟余落魄
 賴帡幪解紛排難多和衷登堂分壽親簾櫳佩
 服嘉懿欣磨礱自今伊始把金鍾歲々來瞻西

母容

壽桐城方母何太夫人

堂上有白頭棲來榮戟第風光錦繡鼓歲月何
 曾記南山瑞鶴飛西池青鳥至共祝紫霞觴年
 年慶無疆

梨花白燕

一枝仙艷躡輕風雙羽翻飛訝許同洗出新粧
 偏愛淡舞迴纖影却疑空霓裳仙子雲為闕玉
 樹佳人月作宮愁殺雕梁春晝暖啣來香雪一

時融

○梅花倒掛無

雲堦月地逗春愁。青雀西飛試轉頭。擬欲寄書憑遠使。莫教橫笛上高樓。何郎粉膩無煩傅。賈午香濃不用偷。更倩綠衣歌一曲。許容清夢到羅浮。

梅花翠鳥

烟滿高臺雲滿窩。枝橫香粉影猶多。風流捷報春消息。息澗偏沾日暖和。好鳥坐舒丹穴彩。冰

魂聽斷綠衣歌。詩家更作平章事。姑射仙人也

未過

虞美人草

逸艷驚人一簇明。石邊池畔捲盈盈。倚風啼露朱顏薄。動碧翻紅舞袖輕。春酒覺餘猶有暈。楚歌何處斷無聲。朝來恨欲成堆裡。誰喚君王舊賜名。

芙蓉翠鳥

醉起平雲艷粉寒。方塘清淺葉聲乾。翠衣小鳥

餐魚慣暗立花叢睇碧瀾

墨牡丹

艷倚東風軟陰移午日清
輕簾遮紫乙遠樹語
倉庚

贈游庠合歡

奎壁星睽婺女輝
乘龍佳客採芹歸
綉衣栖穩春烟曉
瓊樹光生湛露晞
蹄展驂騑方極騁
駟開威鳳正高飛
蘭茗翠羽相鮮處
樂事瀛洲定亦稀

楊妃山茶

閑來却學西楊妃
淺粉輕脂色欲飛
偷得玉容春酒暈
絕勝粧額曉霞輝
燒枝帶雪紅偏嫩
一樹經冬綠更肥
何處曾畱金鈿合
仙山縹緲見還非

玉蘭海棠

玉蘭如玉海棠春
錦繡芳叢曉露勻
何似衛郎清韻整
可知秦女睡痕新
高籠日色能相照
淡罩烟姿各有神
處：如袍青草路
東風無賴醉

關人

海棠青無

無限春愁寄一枝粉痕脂暈共迷離翠衣栖穩
東風軟恰是三竿日上時

芍藥

也殿春風學牡丹飛翻紅紫淺深攢仙宮彩妓
爭臨榭女市金釵競倚蘭檀點欲含清露重綵
靜全怯晚烟寒當年贈謔詩人詠千古猶如西
裡着

動紫翻紅錦障遮風流何減牡丹花看宜瑞日
晴雲下多是神仙富貴家蕊密故應離頰玉葩
鮮猶似剪明霞誰貪秉燭當簾艷絳管靜中月
欲斜

幽蘭頌

弄：載榮被被江皋君子服之德音孔昭

墨菊

金杆凌空玉甲鮮霜華初墮月明天闌干寂
蕭聲咽一本清陰函閣邊

海棠青鳥

朱鳥窗中青鳥過。非煙靄。晚風和春。怯正怯。香鬟重。晨酒微沾玉。暈酡粉黛。似含千種。恁絲衣時。轉一聲歌。西川子。美腸應斷。欲咏無才。柰爾何。

薔薇

絲暗西園春未殘。濃芳。鞦韆架錦成團。誰教南國三千女。遍倚東風十二闌。醉態恰宜。承曉日。玉容猶似。怯春寒。牡丹零落。荼蘼晚。好為殷勤。秉

燭看

短夢長條。豆屈盤。綵陰深院。捲簾看。歲蕤弱蒂。含風重。零亂芳心。迤露寒。衛女。怯新初倚。檻吳妃舞倦。獨凭欄。朱粉。皆傾國。此筆臨窗。欲画難。

水仙

亭。仙卉碧琳琅。弱質偏能傲雪霜。翠帶當風。渾欲舞冰肌。籠月但聞香。仙妃在醮。黃冠濕神女。朝遊玉珮。鏘合與江梅。闢標格。莫將。碧弟作

平章

水中草花

白蘋風細水痕枯
淺紫殷紅朵
踈莖穉自能
凌荇藻色嬌
還欲伴芙蓉
渠枝頭榭
尋香蝶葉
綴
應洋
戲水魚
歲宴滄洲
愁窈窕
秋容點
正
憐渠

荷花金絲荷葉

碧葉丹英遠
砌榮纖
咲擬早蓮生
縷金欲妬
裙腰色
絢錦偏依
履齒明
南陌風柔
爭爛熳
西

園雨冷闌輕
盈莫言野卉穠
華淺刺眼
撩人正
有情

雪中山茶

續紛瑞雪凌
晨集的
燦嬌葩
破騰開
淺着胭脂
斂玉頰
濃堆膩粉
撲香腮
散花天上
瓊姬降
飛絮窗前
謝女來
呵凍臨風
描未就
綉簾斜
卷重
徘徊

題画

芳信泥弄瑣
花開勝洛陽
鶯歌風正暖
蜂舞日

初長粉照臺前鏡紅生醉後粧玉蘭朝露下靄
靄鬱金香

○祝壽

儒林耆碩儼靈光甲子初週鬢未蒼度索仙葩
紅映日徂徠貞幹翠凌霜清風久著南州榻採
葉應乘東海航麟鳳翮：蘭玉秀齊眉共進紫
霞觴
眼虛滄業劫外身蕭閑杖履出風塵往年曾擬
龍頭客今日真為雀背人朝爽青山千度醉晚

香黃菊幾回新丹成莫向蓬壺去小駐凡間五
百春
秣陵佳麗擬瑤京弱水三千接杳冥曉日闌
闌靈氣紫秋風江上遠山青懸孤正值黃花節獻
壽齊斟碧瀼醞應有方平擘麟脯祥光覆馭彩
雲駟

水仙月季

泓寒庭院繡簾隈誰把芳姿次第栽玉珮玲瓏
霜下吐紅粧掩冉露中來漫言琪樹朝：見爭

似瓊葩月、開隋苑不須頻剪綵
寒梅 寒梅 寒梅 寒梅 寒梅
似瓊葩月、開隋苑不須頻剪綵
寒梅 寒梅 寒梅 寒梅 寒梅

題雜花蜂蝶圖

東風輕軟雨初晴
紫嫣紅照眼新
乍訝梁園迴綺鞦
還疑楚帳踏香塵
蒼苔錦石相將晚
粉蝶黃蜂惱亂春
試借鉛華描冶態
崔徽可似鏡中人

芍藥

異香吹幕艸初肥
小謝當階日影微
無骨風前

憐趙燕豐肌
浴罷見楊妃
烟含暮色愁生夢
粉膩朝雲暖不飛
垂首莫言緣
虛事含愁應是為
春歸

秋海棠

秋光點染旅窓東
古石雲根發小紅
玳瑁叢深堪宿露
珊瑚枝脆不禁風
玉孫偏向宵征早
莊蝶無端曉夢融
一片淒涼悲宋玉
海棠嬌著若為容

九芝圖

九芝紅玉燦華堂壽域初昇駐景長繩武君恩
光奕葉連鑣帝澤羨流芳林泉塵靜琴書樂琪
圃花明蘭桂香會有瀛洲迎彩輶丹輪沆瀣慶
無疆

白芍藥

素面不須誇貌國濃薰何用竊胡香玄暉塔下
當春見從此令人薄艷粧

芝草圖

九朵仙雲合一枝玉田瓊圃最相宜靈書有樣

誰能識丹檢無名豈許知乘崔採時華燁：呼
龍種得葉離：藻儲已定黃公公琛谷歸來雪
似眉

白芙蓉

灤：紫露素商清淡：芳姿照水明漫道秋光
悲宋玉西來猶自感羈情

墨牡丹

輕烟凝綉幕淡月籠傾城靜對欄中影如聞玉
珮聲

牡丹

東君不放艷陽回帶醉如慵取次開暮雨和雲
 巫女現朝霞映日洛神來香露錦纈離青瑣翠
 點新粧對玉臺鬪鴨欄邊粉翅滿最憐濃露染
 紅腮

次吳不官韻賦得歛性返幽蓬

久作烟波客廣叅文字禪蘭芳生楚畹桃發記
 秦年水曲神仙宅山陬芝木田高風荷長鍾逆
 韻枕流泉妙論歲三雅清言止七篇盟鷗遵碧

渚飲犢破蒼烟避世徒為尔傷時志偶然草顛
 書始聖醉語酒稱賢參佐三椽舍中山千日眠
 滄浪清可濯好放志和舩

玩世本無相風波亦是禪微生危日：大夢幻
 年：既見陵成谷俄驚海變田息陰違惡木漱
 齒賴清泉熟讀長生訣閣摹內景篇煉丹新作
 火燃杖蓄藜烟雀暖音清遠松濤韻爽然續貂
 慚拜質聯雪繼名賢廊廟千鍾粟邯鄲一枕眠
 幽蓬何足恋咲指避秦舩

一瓢詩有債半榻靜通禪碧水壺中境青山劫
 外年秋風香橘園春雨稔芝田芟竹因延月
 花曲引泉錦囊田雨句殘簾貯新篇苔徑添
 樣茶爐起篆烟三杯聊適尔一枕且陶然肥
 遜師前詰清修嗣古賢穿雲攜短屐積雪稱
 高眠何日金庭過問省放崔船

奉和牧翁錢宮保紅豆花原韻十首之八
 火齊輕含簇翠華爭如雪乳裹丹砂胎仙閣設
 南山宴樂聚群仙頌豆花

仙珠果綴籀纓縱情邊寫画不成莫道東皇
 偏自拙應憐騷客愛秋明
 幾度期空不捲簾今朝喜見妙華嚴酥醺百斗
 長生慶介壽仙禽繞画簷

海內名花能幾枝春風珍重欲開遲當時若在
 唐昌觀應咲虛吟玉蕊詩
 露洗芳姿直色賒鋪塔凉月似銀沙桂枝蕭索
 嫦娥老不及胎仙解語花
 記得花開半暖天好風引韻入新篇香魂一太

無尋處。蝶怨蜂愁二十年。
名花偏稱謫仙詩。燕昭陽。湯見嗤。試問管年
花放。何如經見太平時。
仙邨一樹莫嫌遲。桃熟千年自有期。誰指南山
稱萬壽。靈謠應咏白雲詩。

壽邑侯

河源懸圃在青霄。仙使雲中碧簡遙。虹氣百尋
看積玉霞光千歲結。靈桃東鄰歸去飛龍到。西
極來時八馬驕。仁壽無疆如戴勝。柱天勲德駕

山高

國香楚畹滋。蘭珮上藥商山有紫芝。采靈苗
生遠地青。幽色及良時。延年線永千秋。以比
德芬芳。一宰耳松栢不堪當。善祝遙知魯頌未
能詩。

題画



青皇珍重江南地。暖律乘春福星至。仁風十里
繡衣香。化日千門韶景媚。小謝塔前國色嬌。瓊
酣鎔認楊妃醉。粉翅韓馮榭。來香中一影當

花墜胭脂帶濕露痕位閑撲芳叢怨花睡陌頭
泥軟馬蹄輕綵毬紅處回驄戀願令艸木感深
息常見春臺錦為地

桃花青鳥

天教濃露染香腮到處成蹊次第開一樹似從
仙苑出雙禽應自越裳來秦人幾世猶深隱漢
武當年漫欲栽歌吟紛：誰最賞東風佳氣滿
春臺

賀慧先姪合歡

丹枝雲秀紫蘭香此夜簫聲跨鳳凰甲帳麝濃
連理錦丁簾燭映九微光芳蹇苻藻成嘉耦夢
兆熊羆待叶祥自此東方千騎上名高何止侍
中郎

題西扇

粉頰丹心未展舒青禽欲下更躊躇等閑闔盡
春來艸豆蔻含胎也。不知
位頭不語自沈思記得長生直半時天上人間
竟何定當年兩誓只心知

嘉小六言
子去去
嘉

甲辰中秋祭外

維年月日未亡人綃敬以清酌庶羞之奠祭于
 先夫蘭陵公之靈曰嗚呼哀哉福善無徵昊天
 降酷溫：君子不究百祿災：未亡羅茲冤毒
 嗚呼哀哉讓王遺胄高陽鼎族二姓判合琴瑟
 孔睦囉：具禮鏘：協卜華如桃李芬猶蘭菊
 庶車共貧牛衣相勗鵬運垂天鶯遷幽谷載擁
 隼旗榮推華轂三已無愠遠人止足爰賦歸田
 抽簪返服歷：高門崇：潤屋方期難老受天

之穀火燎紫芝霜摧喬木百年始半鬼伯相促
 吁我詰人幽靈永伏一公無還百身何贖禮無
 從死哀唯晝哭嗚呼哀哉盛極而衰福兮禍伏
 妖狐號穴黃裳掩綵如何深源一旦為陸念切
 毀巢悲深舐犢同穴有期我生何盛耐酒靈前
 崩心血目嗚呼尚饗

寒食省墓有感

總帳蕭：滿座塵九原長寐不知春荒阡只有
 青蠅乎陌上誰為白馬人舉目松楸看漸老傷

心宿草煢回新。一杯麥飯蓬寒食。獨對孤墳淚濕巾。

回思

同心窮達不相違。短運堪傷薤露晞。嶧樹千尋誠半死。桓山四子奈分飛。雀歸華表竟何在。鬼瞰高門事已非。強拜存亡都一夢。回思猶記泣牛衣。

女君子行并序

吳中刻閨秀詩多脂粉輕薄之辭非女

子之言也古樂府有君子行豈獨無女君子乎聊擬之

關雎貴有別中饋理無瀆男女不同席宵行必以燭蘋藻供籩豆締綌親煩辱玄豹既相勉鳴雞亦交勗水至不下臺哀來唯畫笑奉食齊眉敬彼饁如賓肅美哉班姬戒俯躬無佩服

偶憶

上元曾到漢皇宮青鳥重來信不通千樹玉桃迷洞府一絨金篆秘神蹤誰乘出景尋丹嶠暗

駕飛駟輶碧空城鄙人民塵古促令威何事憶
遼東

畫卷自叙

每謂吟事之與繪事皆所以摹寫物之情狀而
窮其變者也余自髫髻嗜斯二者不吝於手長
而益篤於繪事也一卉之微一蟲之瑣必購
其生者而熟察之然後與之傳神或有欲自失
笑者非直為繪事正以詩人當識於鳥獸多草
木然後可以追風雅於前人也曩者歲在壬午

自夏徂秋蕉窗寂歷研丹和粉繪斯數十幅者
畢事後置之度閣塵室中以矣違閤以來舊居
不守播遷之餘一展寓目潛為出涕嗚呼此固
少時清心晦日所為作也息之如昨不啻彈指
間事乃計數日月二十五年滄桑變更都非往
素悲哉

題画



銅律潛移當大呂李徑挑蹊霜舉：中園誰覺
早陽生姑射神仙洛川女素衣粉面玉亭：水

雪相看兩無語嫦娥偷丹雙頰紅愛與寒蟾為
伴侶綠葉稜々犀甲健桂樹叢邊醉芳醕一線
初添日馭遲艷色濃香已如許况今陽春有脚
到江南仁風一扇迴寒暑沍陰無力暖烟青假
饒燕谷須生黍福星常照斗牛光浩々江春無
處所艸木寧知造物恩惟有枝頭零露滑

題羣仙祝壽圖

翠葉梢々搖鳳尾勺圓千顆珊瑚子玉鈿羅帶
呼水仙薄粉穠香水雪裏吾聞水府真人會衆

真貝闕朱宮照波底河伯駕白龜琴高乘赤鯉
馮夷鳴鼓女媧歌遊女變々垂月珥蚪羨麟脯
稱壽盃九奏鈞天駛人耳月中靈葉伏火砂千
歲只須方寸匕蝦蟆丸就成赤珠特遣蒼龍求
月姊冬日光添一線長瞳々愛景高堂喜欄前
豔草羨佳名藉翰試圖聊比擬深紅淺碧素花
香阿母蟠桃爭似此

芝

鷲鳳分明舊識名紅光紫氣鎮紆縈神僊換骨

須靈藥羽客圖形驗玉經採得祇應教免擣種
時還自喚龍耕商山深谷逶迤處試問黃公有
幾莖

蘭

千金高價尚言輕鹿醢三年浸始成翠帶自目
清露長遠香偏逐惠風生懷人已許同秋菊以
德知勝杜蘅佳兆若微燕姑夢應和玉樹遙在
中庭

丁未冬客寓秦堆偶作

秦堆一線水城空記迴瀾蕩管年白羽猶然
飛西檻紅牙無復拍歌船生蘋漸港風欺坐似
絮紛紛雪端前多少梗萍羈旅恨青燈閱咏不
成眠

上邑侯丹鳳來儀歌

靈禽五色名鳳凰出自丹山道路長閑飲醴泉
啄竹實帶仁抱義聲鏘、有時高棲白榆畔九
雛一母自相將僊真控駕誇毛羽下視人間樂
未央軒轅御極三百歲當年阿閣聞歸昌伶倫

以之正音律咸英不是凡宮商從此千秋紀靈
 跡詩人後咏如干翼岐山唯得一回鳴仲尼不
 見空太息聖王撫運臨八區天使福星來海隅
 才過尹鐸為保障年似終軍始棄繻應律清風
 吹拜草及時井澤潤焦枯麥隴蘄：馴乳雉滿
 耳謳歌頌袴襦巫咸生處號神山火耨刀耕志
 子孱梧宮管種梧桐地遠池琴水鳴瀑：時和
 異物非難致大賢自是興朝瑞中書堂坐富民
 侯聖代方當相循吏看公一飛集鳳池：還

聞蔽空至

牡丹

占盡東皇萬斛春異香濃艷潑精神風流夜月
 烟籠淡富貴朝陽露洗新天醉還成玉女咲地
 融慚未寶王身沉香亭畔當時見國色分明有
 兩人

草花

高松長未解枝頭別有花
 宋玉墻邊細蔓遮碧雲小朵襯輕霞女蘿自附

壽魏相國玉堂富貴圖

枝頭少女風初熱，剪盡深宮醉紅纈。朱欄十二
靜沉沉，芳菲密處鶯聲點。錦暈映日五彩鮮，牡
丹飛香入九天。中間最貴相袍色，細縵如惹那
罽煙物華欲繪太平盛。三公稷契天子聖，萬民
嚮歌樂堯年三辰增輝泰階正。獻壽觴兮願我
公日月輔天光，重傳經史澤漢帝。相調補化
工作述同

壽魏相國篤鵞瑞蓮圖

水碧陂塘鋪匹練，芙蓉渠到處光如霰。盈映影
綠波深鏡中，初見文君面。鈿蓋靜珠朝露早，鵞
鵞自愛毛衣好。浮萍點點，穀烟輕翼，相逐花
中老。太平天子愛日長，薰風殿閣生微涼。黑頭
宰相天上来，錦袍綵綬沾御香。常公家世傳一
經，封侯此日見玄成。君心常比蓮花靜，萬里無
塵四海平。

題画梅花青鳥

月到閑堦踈影涼，紛珠玉自生光。渾如傅粉

原非粉若待薰香未是香
杜甫簷前春尚早
盧仝窗下夢初長
青禽獨立高枝上
不學尋常蜂蝶忙

送女夫沈采臣入都

燕臺方自築黃金
賦力真應敵上林
豹變文章披霧出
鵬程搏擊雲深
須教紫氣生神劍
定有高山識素琴
從此窗前占鵲語
好緣風便寄佳音

壽蕭孟昉江右名士

良辰五十初嘉日記懸弧
好俠多新事名園似
舊無閨中貯桃葉杯
裡見菖蒲
匡阜如仁壽休
嫌歲月徂

賀徐太夫人與坦翁偕壽

五雲重、宮闕出丹鳳
飛來紫泥濕玉堂
靜吹蘭蕙香
紫封帔幅霞紅
叢朱顏五十樂如仙
齊眉舉盞百花前
悠揚雅調聞瓊瑄
宛轉清音連素絃
金明孔翠花屏展
日射麒麟錦幕褰
三株玉樹爭明爽
賈虎荀龍世無兩
疊衽重休未有

涯君看碧海坡蒼莽

贈梅邨大兄

虞書賡歌聲詩始國風雅頌詩觀止入漢初有五言詩河梁之作聞蘇李建安曹劉文中龍西園佳句追前蹤齊梁穀病苦輕靡謝眺騫人獨擅工沈宋肇為聲律學自茲鎔範詩人作少陵崛起振雅聲千古仰宗如泰嶽自此中間數百年歐梅坡谷多鴻篇吾兄大筆掩前古鯨魚掣海鵬摩天綠波紅霞色相澹鳴球溫瑟聲相宣

玉堂巍、龍門高千巵壽酒傾葡萄三千弟子
百花裡百花猶似爭英韶

題西紅梅綵萼梅兩株

香艷誰家紅粉女清華猶見綵衣僊
無風直欲拂金樽曲檻邊

賀新婚

復道春濃咽瑞烟酒香紅露燭金蓮
花明錦帶乘龍客月艷瓊簫跨鳳仙
照坐此時珠作樹連城他日玉生田
可如雙劍神淵合紫氣遙看北

斗邊。

上郡司馬

禹跡東南最名賢
 佐海邦嘉聲繼蘇白
 美政贊
 龔黃艦錯當
 研丹星辰識
 劍芒蒲鞭寬
 尺度枉
 後簡刑章震
 澤波濤靜
 吳宮草木香
 疲民已襦
 袴窮壤盡耕
 桑鈴閣春風暖
 閭庭日影長
 冰壺
 清映澈月鏡
 照心光
 冤婦悲東海
 窮婺笑杞梁
 強遭梟取子
 訟枉鼠穿墻
 搶地方無訴
 投懷每
 自傷根枯蒙
 湛露盆覆
 值暎陽密網
 開三面高

門願百祥台
 堦宜魏邴
 泰運翊成康
 神理知無
 爽慈恩詎敢忘
 摘詞慙莫禱
 輿頌日洋洋

壽沈廣文仲晚

老仙壽如南山石
 永長不假金丹力
 龐眉皓白
 黃髮長喜頰
 凝紅好顏色
 兒孫膝下多奇雋
 蘭
 芽茁土瓊枝
 植鄉閭歸美
 郡侯知楚賓
 筵禮
 耆德深衣鳩杖
 如畱西環祝
 千人咸嘆息
 屈指
 懸弧已八旬
 高門積慶歡
 無極金罇上
 酒祝期
 頤與善皇天
 有常職五福
 臻百祿宜造物
 子

公豈當番彭聃耳曾聞大椿眼未識王喬洪崖
與君友願君眉壽長千億松柏崗陵不足言自
是神仙少羽翼

壽郡侯吳瑤如

三百五十西橋頭春風漢：水悠：元和才人
白太守教徹霓裳梵度游張娟李態人不識至
今菀臉臙脂稠韶光此日還如故百鳥鳴春：
欲曙亂咲蹊邊無語時綵綬盈：夾城路不數
河陽一縣花爭似華林八百樹粒遣隻成採得

來莫令方朔偷將去姑蘇遊鹿已千年支公放
崔今何處胎禽仙駟壽無涯芳艸蒼烟鎮常住
暖紅如染翠如積司花自有神仙職義和遲轡
待東皇醴露如飴滋動植我家讓王千載來冠
冕蟬聯藉遺德戟衛森嚴訟閣閣燕寢高堂公
虛白行春到處聽歌謠士女紛：看熊軾艸木
猶欣化日長疲民不假施鞭策願君榮盛似春
花烟霞歲：應無極

壽蔣夫人

繡幕高褰白玉堂
玳筵歡慶醉瓊觴
木公仙地雲霄貴
金母生年日月長
芝秀堦前迎客瑞
蘭靑室裡襲人芳
孫枝玉立班衣樂
正是元方與季方

仙客

跨得長鯨返貝宮
蓬山波浪更難通
銖衣自作雲中影
羅襪應無水上蹤
鳳羽離襟巢玉樹
雀聲來往過長空
人間塵霧虛凝望
唯見金烏出海東

題画

烟開日暎一枝、帶咲凝愁
兩得宜宿酒未醒
慵不動朝雲和夢覺
來遲芙蓉粉薄含啼處
豈惹湯温出浴時
韓椽曾為靑瑣客
惹衣香氣自堪疑

贈袁歌娘

人間名譽重韓娥
一串明珠一曲歌
絃急迸飛行雨驟
梁空蕭颯落塵多
閨庭雀聽翔玄翮
清沼魚聞出綠波
折柳送君歸棹遠
玉峯應藉楚

相過

玉堂富貴圖

東風吹春向西海
 暎日形：發光彩
 變燕雖成
 哪哺忙未捲湘簾
 花藹：中園佳蔭
 深如帷錦
 杆花冠鳴啞：蜀
 烟淡：海棠開露
 下香鼓睡
 方覺無言微咲穠
 無力艷柔欄中
 方徑尺趙家
 輕拜太真肥共向
 堂前鬪顏色十二
 金釵紅玉
 腮鬱金蘇合薰綉
 堆宵來讌罷絲竹
 散鳳燭風
 吹一寸煤春光如
 電莫辭醉明年此
 日還歸來

題扇贈歌者

小軒春風軟國色
 花如剪花能勸酒
 不足多買
 得真珠一曲歌：一曲珠
 陸續玉盤瀉出滿
 花前拾取量來成
 幾斛金衣公子藏
 柳絲澁住嬌
 喉不散啼空梁鬱：起香
 霧流塵一片侵人
 飛
 吾聞周曲有白雪
 宋玉以來此歌絕
 安得重尋
 舊譜詞煩君唱徹
 清宵月

虞山詩社中有詠春
 閨者用唐人溪西
 鷄
 齊啼韻兼含兩絲
 風片烟波画船二
 句遍

索和皆以此為難十無一二余亦不知所
以聊步原韻應之

雨過微寒水滿溪
絲垂碧樹小樓西
西風吹花落
驚春鳥片點香堦
啄晚鷄烟隔殘紅
未了陽波
中倒影綠新齊
西橋只在橫塘口
船斷無人鶯
自啼

跋表姪楊青冬集唐詩

千金之裘非一狐之腋
其集唐之謂乎
青冬吾猶子也
自少從搃戎公橫槊賦詩
既而益臻神

境唐詩何慮數萬首
星羅胃中列
若指掌登臨
贈送隨手拈
集璧合珠聯
輒無痕罅
起玉楊盧
駱暨開元天寶
降自長慶以下
諸公於今日得
一見之當未有不失咲者

賀陸子新婚

佳偶乘龍瑞氣浮
士衡才譽有誰儔
晴雲更暖
鴛鴦浦
白日偏明翡翠樓
蓮燭熒高青玉案
蟬囊香動紫金鈎
他年組綬朱衣貴
千騎真應在上頭

○謝詩贈次韻

大海洪濤千仞峯。茫無際敢評工。生花擬似
江郎夢。新柳疑含張緒風。玩世謫仙誰與並。醉
鄉陶令自堪同。量來始識詞囊富。百斛珠璣七
步中。

有詩招飲

春釀開來十里香。夢魂先醉杏花莊。金盤海錯
芬枯腹。玉笋雲漿潤渴腸。種就宜男草。初碧吟
成幼婦絹。應黃新詩字。駟珠顆。想得推敲遠

画廊

續梅花幃

齊紈轉薄透晨光。寫盡梅花覺有香。箇裡根深
千歲幼。却堪天室作虹梁。含韻含芬各有冢。幃中誰是向南枝。一聲啼鳥
來花外。正是愁人夢斷時。素魄幽芳迥合。眼相將。姑射雪肌僊。金釵暗墜
香雲散。自有梅花落枕邊。明月圓。花影稠。夢魂真是入羅浮。應知愛護

清芬在不恣輕綃捲玉鉤
學他仙桂廣寒宮
水雪精神自不同
折得一枝

此失題 多缺一頁 初時誤

可春工

貴艷偏頃萬物華
寂愛靜看

相似處清闌陰冰一枝斜

暗香疑逐小溪迴
不待東皇昨夜催也似洞中

天地別時：春暖碧桃開

桂室東南西閣
深處繡簾位
未知甲帳

春生蚤遇得孤山處士妻

佳句堪攜落鴈峰
嘉謨絕壁浪誇工
清芬似嚼

委稍雪和雷如沾花信
風擲地有聲聞
玉振憂

天無極羨雲同挑燈讀到深
處恍入蓬壺仙

境中

殘月如新月

起處瓊籤促織
似始生斜鉤
金未變一搗玉

猶清見直芙蓉渚
無傾楊柳城
無妨先旭耀還

擬伴長庚鏡缺蟾
仍隱弓懸鵲
自驚較來三五

直波彩捲多情

此者失題

清芬在不恣輕綃捲玉鉤
 學他仙桂廣寒宮冰雪精神自不同折得一枝
 隨驛使肯辭勤綴奪春工
 紅梅傳自相公家貴艷偏頃萬物華寂愛靜看
 相似處清闌陰冰一枝斜
 暗香疑逐小溪迴不待東皇昨夜催也似洞中
 天地別時：春暖碧桃開
 桂室東南西閣西隔花深處繡簾位未知甲帳
 春生蚤遇得孤山處士妻

此者失題

佳句堪攜落鴈峰嘉謨絕壁浪誇工清芬似嚼
 毒稍雪和靄如沾花信風擲地有聲聞玉振憂
 天無極羨雲同挑燈讀到深：處恍入蓬壺仙
 境中

殘月如新月

起處瓊籤促織：似始生斜鉤金未變一搗玉
 猶清見在芙蓉渚無傾楊柳城無妨先旭耀還
 擬伴長庚鏡缺蟾仍隱弓懸鵲自驚較來三五
 直波彩捲多情

愛妾換馬

一枝紅艷有誰倫。大閣輕教為絕塵。花點拳毛沾汗血。臙脂如淚濕羅巾。明珠十斛真閑事。石黛雙蛾漫動人。取得如茵芳艸路。風追不及四蹄勻。

馬癖偏憐似鹿形。朱絃此際運離聲。從教燕市千金重。不覺陽城一咲輕。攄上苑花初換玉樓中。春艸又更名銀鞍。若向當爐問莫遇胡姬別有情。

題牡丹花扇

紅玉凝香一朶春。曉粧和醉粉足新。彩毫不續清平調。寫出當年捧硯人。

牡丹

年、穀雨試新粧。梓澤春穠勝洛陽。拂露共翻紅玉佩。臨風齊舞鬱金裳。綺羅叢裡香偏貴。絃管聲中曲破長。祗恐花容易憔悴。漫將彩筆駐韶光。

堦下欄前次第紅。遲開偏自待春融。微慵秬恨

沾宵露帶睡還應怯曉風西子湖邊知尚早沉
香亭畔可能同上宮人去誰相贈猶有韓馮到
葉中

題函

蒼崖流水神仙境瑞艸纒纒覆錦霞兩、舉禽
鳴和處碧桃千歲正開花

賀邑侯行取

應運玄菟騰躍埃少憑岩邑展宏恢烹鮮曾仰
調羹手製錦成昭補衮才績奏金盞崇日近恩

承玉陞竚風裁邀緣一土親光範先布彈冠賀
燕懷

題函

啼鳥聲、午夢殘柳綿榆荚共露、竭來南國
千金質凭遍西園百寶欄頰入朱顏餘薄醉香
凝綉幄護輕寒斜陽恣負妖紅意與炷蘭膏徹
曉看

題畫牡丹錦雞

春泥泥、融水榭紗羅綺醉人暖雲中花迷殘

夢裏闌迴沉水香凝情止妃子相對紅牡丹
取春畱止玉階錦料閑徘徊頽影喜步啄弄晴
暉蘭茗拂紅尾

題西

盈：仙佩下瑤臺丹：巫雲薦夢來
濃汪螺痕勾小儻微沾懶髓點香腮
好憑玉腕扶春起為倩金缸照直開
只恐瓊華易零落三郎羯鼓莫頻催

壽丘公

江花紅映錦袍花半壁軍臺倚任
賒劍向試初偏穎利玉猶藏處
自光華下霄氣逼三槐地逐日才
宜萬石家海屋籌多同海水壽筵
今甫酌流霞

牡丹

淵蹊桃李避容光樓上風輕春晝長
露洗一叢明曉日烟籠半朵困殘陽
西闈愁倚楊妃醉錦幙深藏賈午香
一咲誰願傾國價真珠應用斗為量

薔薇白蝶

纖條盤一架綠地襯紅花塞北臙脂色江南富
貴家紗窗全欲隔繡袂半相遮粉蝶飛過處悠
悠日未斜

梨花

明珠錯落玉闌珊盡日蕭蕭水一灣雀影風吹
丁令去霓裳舞罷素娥閑枉教粧面添香粉宜
與搔頭近翠鬟一樹簷前曾與共為雲和夢到
巫山

缺蝶花野菊蝴蝶西扇

小石參差曲徑斜花如缺蝶
如花金英並菊
閑相映應是分來陶令家

牡丹覆蝶

韓馮榭：暮春時國色休嫌晚景遲
祗愛香風能醒醉不堪濃日照凝脂
咲啼屬意應難問紅紫多情莫可期
相倚無言緣底事東君欲別有餘
怨

優曇花贈尼

幽芬靜色寂相宜欲寫凝思點筆遲散處祇教
天上落種來曾向鉢中移青蓮自好應難从
蒼藓雖香不足奇試問飲光微笑意禪機未許下
根知

題百泉水花

兀坐苔磯數細鱗澄波漠漠水花春琉璃一片
珠千顆曾照當年珮玉人

小叙

情發乎中形乎言歌之成文則詩之作也惟情

所感為有所謂法哉故太保牧翁錢先生當世
之宗匠也其言曰今之人學古為詩如寓人解
狗徒有形而不生動以為偽文余得斯語似凡
有吟諷直意盡而已其於古人之作雖耶合耶
未常屑也熙寰李君不以其愚無知辱示以
所作且命為叙言余豈能為李君作玄晏先生
耶

題画

女牀高對似仙都月掛銀鈎暑已徂雲外笙簧

知子晉遊前香粉見黃姑鏡中對舞憐花影扇
裡雙飛愛西圖不羨鳳凰天上樂白榆星下欲
將誰

題画

朱援渾疑錦幕張暖烟深鎖一庭芳宋家最愛
東牆近鄂渚偏矜綉被香垂地數枝織頰短盤
空千結翠條長簾前好鳥知春去風送啼聲盡
日忙

丁未秋避跡鄉間偶遇瞿夫人邀歸談心

數日方別

破浪潛來雲水鄉故人相見慰徬徨一枝棲穩
堪忘世萬里何勞覓下場珍重至言唯鏤骨黯
然銷別共沾裳他年此日啣環到不負恩深峻
喜堂

奉和曇谷瞿道長惠詩

不夜真珠出海東區區魚目豈堪同才華應得
親曹植體氣遙知勝孔融丹桂花香遊月窟靈
桃子熟自瑤宮仙家許到難常任惆悵隨風似

轉蓬

世事渾如合浦珠靜無何處止霞跗回知突兀
千間厦却勝神仙百二都心似月華秋更白身
同星彩曙偏孤鷓鷯固有巢枝意為問深林借
得無

上范相公長公

昂宿應赤符靈岳生申甫公侯世澤長麟趾鳳
皇科燦：星漢文起：千城武闕氣名世賢大
鎮開蓮府吳山與越水萬里分疆玉福曜臨南

斗疲俗煩咻煦南人多剽輕地險江湖岨禹功
在會稽悠：已千古况當肇運未蒼生望慈父
支正有家風他人何足數相國佐皇圖日月賴
匡扶功名紀鐘鼎甲第照神都呂伋嗣姜望臯
子贊有虞方當澤四寓豈惟光一隅微身守陞
闕足跡限荆樞幽寒常飲冰瘁苦空茹荼不如
燕谷中暖律一朝蘇好音遠來惠喜氣生茅廬
河澗既云及寧言嶧桐枯陳詞頌明德斐然愧
操觚

婁江朱公曉以東澗先生序之亦效顰示

書贈求寫揮絃圖

吳中往詰多善繪事沈石田隱君一代高人筆
墨點染三百年無對於南北諸家靡所不學山
水人物花木鳥獸靡所不精真所謂上配管賢
近來新画燭爛六灑不具古人蹤跡于今掃地
笑婁江一派實出以元人為法畫袪吳儂客氣
觀者目境一新然所見惟山水朱公婁之君曉
名士也甲辰春橐筆遊姑蘇余寓止百花巷畱

寓居者旬日其人惜：君子溫雅自好畧無迹
時習態所學皆別開門戶仙：風韻另成一家
雖徐王之花鳥顧陸之人物荆關之山水兼通
博識其間靈氣自化下筆欲飛更上古人一乘
也妙在乎阿睹中若逢迎宛轉流動生波奪江
郎之楚筆駕僧繇之點龍腕內有神豈可以塵
世名家較量哉余何幸而遇之不以蠢鄙辱點
湘素管頤長康画幼與于丘壑間又與殷中軍
寫真盖非名士不足發名家興致揮灑神妙也

寓內名公騷客或賦贈言盈篋五岳或歌起于
方寸雲夢吞吐于胃中一丘一壑直寓之以寫
其所韞耳函非高人韻士不知也沈石田先生
家傳函學論者謂有所本公曉尊人六如有大
名遠振四方公曉繼之宜其超絕矣東澗先生
作以贈公曉惟稱其善山水東澗之識公曉序
由於王奉常吳司成兩公皆山水名家故爾以
此稱之實未盡其所長也恨無才如杜拾遺作
長歌快賞謹序微詞聊補東澗之所未既云

詩贈和東澗先生韻

不是閨全郎巨然淋漓潑墨滿山川胸中豁壑
層層活筆底雲霞片妍桂發堆巔宜隱士芝
生商谷有神仙煩君為寫嵇康句目送飛鴻向
碧煙

題画梧桐覆鳳扇

白榆光裡聽啼相喚和鳴向碧空阿閣香生
饒竹實朝陽高處覆梧桐雀鳴自警三宵露鵬
翼虛乘九萬風聞道朝廷相循遠吏來呈瑞為

文辭

賀陸載商考功得州守

發硯闡贊理嘉譽滿都中勢奮南溟濶才高冀
北空機雲傳世業王謝有家風月桂休言遠明
年看杏紅

題画

粉衣檀點半模糊遺跡空畱故錦園新句悼亡
堪下淚千荆情玉更應無

鳥生八九子

秦家好附蒼團、桂樹高雌雄寔宿桂樹間九
子相隨聲嗽、阿母何處覓食啼鳥子鳥子可
憐被鷓鴣指啄烏腸食烏目嘴如鈎矛翻如刀騰
身直上凌青霄阿母歸來不知鳥子處雌雄遠
樹空勞、後戀主人桂樹好豈知此地難安巢
南山巖石多雲霧舊居欲歸愁踞遺

題画

依約芳名暗自思偏憐碧玉破瓜時
月寒待與羅衫着試遣鮫人織藕絲

題画

粉薄新粧露曉時
麴塵鮮淡特相宜
微雲欲過春山遠
輕罩文君一抹眉

贈画家某翁

雪髯金骨餐霞客
幾度蓬壺入夢中
物外雲烟常黯淡
海邊嵐霧自空濛
有時誤點成天趣
無意閑添近化工
真境偶然畱絹素
仙家何路與凡通

上郡侯

白傅堤邊香滿叢
芙蓉木末發秋紅
波寬自覺禽魚樂
深溥還沾雨露同
画戟衛時森皎雪
拜旗行處起清風
丹青擬作無声頌
皓首台垣晋上公

題画贈某

古塘老樹虬鱗澁
淡日霜消瘦蛟泣
遙山影薄翠蛾愁
鏡面平鋪野水流
雲絮堆空風切切
撲眼秋光似刀截
淮南書客自多悲
賦就離騷鬢添雪

題雙鸞扇

僊使新從滌殿回，瑤池消息又花開。
靈飛採得人間信，報道丹書指日來。

贈青浮姪孫遷居步本芝舅翁韻

放崔歸來月滿船，追游流憇過斜川。
行吟自適陶潛酒，遍賞無需趙壹錢。
擗就高枝堪隱跡，種成佳樹樂華年。
休言夢筆生花巧，猶有詩才繼謫仙。

贈女星士

昆吾巫咸周史佚，鄭裨宋帝高。
甘公明星曉曆妙，推算古人絕學今。
人宋極數知來，惟小筮筮郭精微與神通。
季主捧腹示火誼，君平垂簾高隱踪。
神術屈指俱堪道，女人精此從來少。
吾里星卜張先生，直把前人齊壑倒。
順排八字圓五星，諦觀造化明天經。
休咎災祥驗如契，四坐竦然傾耳聽。
有時布卦分爻象，金鑪檀炷騰分馨。
茲、陸海指南車，所言必中如神靈。
曾聞躡脫看年命，亦有琵琶道古凶。
先生推術惟清談，玲

瓏玉屑飛滿空每讀離騷弔屈平欲從詹尹決
疑情我今試把天人理從容一一問先生

題西

燕脂洗盡半凝羞露重堦前不舉頭夜月有光
烟漠漠朝雲無跡夢悠悠鷓鴣表上輕香發玉
鏡臺邊粉態愁穠李滿蹊成美蔭綫春猶自為
君留

壽某公

堦前三秀如雲霞室中芳咀幽蘭花敦龐猶見

古獻民崗陵宜祝餘慶家葡萄春酒瀉琥珀色
侵千歲紅桃葩疏圃神泉未及此駐顏何待燒
丹砂悠悠長日欲朱夏紅紫百草紛交加屏展
晴巒壽筵敞斑衣舞處雜采華為君亦作封人
祝海屋籌多未有涯

壽馬丹卿年伯

南國升才擢最賢公車書滿朔風前奇情貫月
通天外壯氣凌雲出斗邊酒臥翠山初獻壽屏
開金尾待飛仙深閨亦效華封祝寫取紅桃似

萬年

山居

一榻山窗下無愁愛日長若嫌茆屋小竹樹有餘涼

嘯雪菴詩餘

茂苑吳綃水仙



和曹顧菴年伯滿江紅

焮近江南荷香處綠波煙漲消水畫一簾一詠
葛巾無恙文燕不須陳玳瑁淋漓醉墨瑤箋上
鱸松陵新釣四聰鱸漁家餉小鼎中輕雲漾
險韻句頻唱也勝他黃公壚畔共那釀細細
曾催杜老詩花開不待三郎杖着群賢滿座似
神僊蘭亭狀

青
卷
詩
餘

嘯雪菴詩餘

七

萬年

山居

一榻山窗下無愁愛日長若嫌茆屋小竹樹有餘涼

嘯雪菴詩餘

茂苑吳綃水仙



和曹顧菴年伯滿江紅

焮近江南荷香處綠波煙漲消水畫一簾一詠
葛巾無恙文讌不須陳玳瑁淋漓醉墨瑤箋上
鱸松陵新釣四腮鱸漁家餉小鼎中輕雲漾
險韻句頻唱也勝他黃公壚畔共酌釀細酌
曾催杜老詩花開不待三郎杖看群賢滿座似
神僊蘭亭狀

蕭寺詩餘

讀曹太史原詞再和端陽之作

八斗才華似大海紫瀾初漲愛楚俗年端節

綵然驅恙榴噴早紅開午讌揮毫擊鉢蒲筵上

金蘭珠樹盡名流懽相餉墨花濃香飄漾郢

市曲尊先唱咲韻成金谷湯傾醇釀日如風雪

若情忽不勞蠟屐攜筇杖比芙蓉出水更天然

難形狀

乞叙

弄筆塗鴉愁來似雲興波漲計屈指年華易去

可禁頻恙噩夢幾番擲過了半生心事毫端上

檢殘篇酥酒若為消誰相餉風景好春搖漾

題咏處曾顛唱柰尋香摘艷蝶嘶蜂釀女晏當

今文學老校書天祿燃藜杖比無言桃李却多

言雨花狀

述懷

陵谷紛紛魚龍混一江春漲回首平生孤介矜

軀步恙盼望雲霄凡骨重寸心常鎖雙尖上閉

浚閨棲處似鷓鴣齊眉餉行樂事全拋漾琴

書好休題唱但夢殘吟罷閑愁醞釀癡想蓬萊
蒜水隔難求縮地壺公杖嘆恁雨度餘年
淒涼狀

四犯玲瓏

海棠

醉紅微拆怕白露階前曉寒疎滴如醉如慵別
是一般標格嫦娥十分光彩照媚澹松顏色
此際那教絡繹報燕歸消息想幽堂人起珠
簾隔向鏡臺鬢邊輕摘看盡嬌嬈態堪憐堪憐

早來胭脂雨洗更那勝伴伊恁寂莫似杜陵老
公悔當年不曾題得

憶江南

四時

江南憶風暖換春衣如西樓臺花夾路香街人
醉玉驄肥年少踏青歸

江南憶女伴採蓮期水似玻璃人似二薄粧偏
稱晚涼時蘭棹日遲

江南憶秋氣夜方清鱸膾鮮肥蓴菜滑千人石

上月亭：到處按歌聲

江南憶地暖早梅香長夜不寐朝起蚤一枝如玉鬢雲旁呵手試新粧

梅花引

曉風寒曉粧難玉破簾前冬又殘倚闌干拍闌

干闌把一枝無從惟自看年年慙過芳菲節

今朝又見花如雪淚珠彈淚珠拋却粉奩不

教開鏡鸞

東坡引

聽絃

冰絃何處曲絃畔織：玉玳珠亂瀉聲：續斷

腸銷画燭斷腸銷画燭慙多怕聽春不暗感

恨往事心頭觸廿年噩夢將及從殘棋剛半局

殘棋剛半局

瑞鷓鴣

出歌姬

筵前檀板試新聲嬌喉轉處聽春鶯短髮齊肩

似束腰肢小更喜雙眸片月清楊花本是無

蕭索詩餘

情物等閒化作浮萍當年費盡黃金辛苦緣歌
舞教初成雨散雲飛一夢醒

千秋歲

画梅花扇贈尼

半直窗前一枝牆角甚處春光到寥廊東君已
許陽和放笛聲何故翻教落不葉風偏逐月休
拋却一咲我半生真命薄沒事被他閑繫縛暗
把梅花自評度清香此際無多日明朝再到還
蕭索駕三車飯三寶心相約

事

淺

漢宮春

夏景

午夢初回見滿庭花影烟罩香塔上架索紅埃
絲蜀纈勻排織鈎長帶亂絃掩映樓臺暢好
似鄰牆上咲隱雙聰多是天公有意怕春光
歸去羯鼓相催倩他暖風濃露剩染繁開闌干
那畔無聊長日幾遍徘徊記得我目貧艷朵半
空抓住金釵

杏花天

今年一倍春光早。燕子話杏園。消耗馬踏遍青
青。艸惹袖東風。偏好賀大厦。羨伊飛繞對美
景。歡情多少。宵來驕靄。雷聲報滿。眼曲江花咲。

聲：慢

夏景

鶯啼柳外。燕到簾間。雨歇晚涼。甚惜永日。迨
唯見石榴紅。折閱息個人。千里馬蹄。何處塵陌
新。籜解向數竿青。玉金釵。慙畫塘上荷錢。嫩
露還似我相。息淚珠常滴。怕點紅粧。止寓遠山

雙碧怎生。紗厨象簾。清光借素。姝消息。有如雪
掛長空。此夜皓魄

菩薩蠻

閨情

開到薔薇花事了。雙蛾翠疊。難掃樓外是
天涯。紅塵去路賒。不禁春夢亂。消息經年斷
繡帶幾圍寬。薰爐慙夜闌

畫堂春

萱花

一枝花發北堂幽。無聊長日悠。輕風濃日畫
欄頭。綠嫩紅柔。粉蝶不知人意，紛來往綢
繆。雙眉常自曲如鉤。莫說忘憂。

浣溪沙

曾見西施出浣紗。一鉤香跡印弓鞋。綠波紅暎
臉邊花。重到沒及山寂。滿灘銀縹。淨無瑕
直來春雨水痕加。

漁家傲

春曉

春日春光何處好。窗前數朵梅花早。殘夢乍回
雲縹緲。魂太香。香風陣。吹來巧。枝上青禽
聲繚悄。分明問我情多少。萬斛閑愁。渾染了無
聊。自把寒衾攪。

江城子

澄波如練漾殘霞。日光斜。照平沙。隔岸酒旗招
颭。是誰家。紅袖爐邊人似玉。留客處。綠楊遮
落帆。風裡轉船樞。拖咿啞。浪生花。可惜明朝此
地。又天涯。拚取十千沽一斗。須笑莫嫌奢。

橋

軟船

午

晴雪春詩餘

鵲橋僊 步秦少游韻

花針穿月。蜘蛛織巧。河畔鵲橋。律度相逢。謾道足新歡。反惹起。舊懷無數。沉：鳳幄依：駕夢。恁煞。曉寒歸路。義和若肯。做水情。成就他雲朝雨暮。

春光好

風力軟。美晴天。柳如烟。水滿平湖。看盡飛簇神仙。百舌黃鸝交語。一聲一轉。堪憐好花。多在鬢雲邊。曉粧鮮。

憶王孫

秋直

寒砧。風急。搗衣。秋木落。聲中。不倚樓。月涼陰滿地。慙恨悠。一。直。江南。千里。舟。又。

方諸影。轉欹黃昏。消息沉。暗斷魂。拜月無心。心自楚。憶王孫。浚院淒涼。獨掩門。

蝶戀花

病懷

蕭雪春詩餘

早潮揚子舟難艤。一曲湘江送斷。危絃指風雨。落花明月。庭芭蕉寸。啣心裡。粉融濕透。風前。淚茶飯。誰餐。伏枕知何計。王孫不來。儂自去。游魂頃刻。追千里。

醉花陰

望遠

遊子天涯。雁音信。久盼到。西風瘦。昨在夢。界圓。只道。郊。歸翠幄。薰香透。覺來依舊。黃昏後。有。道。更漏。報。道。睡來。此。好夢。難憑。索性。天明候。

趙本休却却

兒

疎簾淡月

咏懷

霹收烟霽。見淡月。疎簾芳心。欲碎。聲斷。木蕭。鳳遠。秦樓。如水。淒。西角。殘更。遲香。筆冷。董。消。駕。被孤燈。昏照。三星。慘烈。闌干。倚徒。嘆。寂寞。長。門。淡。閉。紅。于。淚。染。黃。花。憔悴。屏。掩。西。風。寒。悄。歸。期。垂。切。花。箋。難。綴。離。情。味。託。行。雲。馳。神。千。里。驚。音。盼。斷。陽。臺。夢。隔。躑。躑。無。寐。

蝶戀花

趙本作展

趙本作書玉

無

據

在

結取

晴雪春詩餘

送舉

陌上槐花人欲去。萬種思量。無計教伊住。枕畔
星。和淚語。傷心此夜。天將曙。旅舍風塵留
客處。僕馬紛紛。千里京華路。月裡一枝。若自許
看花好。與花為主。

聞第

正是紅塵三月暮。鵲喜雙。莫道無憑。拭盡
啼痕。千點雨。泥金兩字。傳佳語。莫問離情。慙
幾許。瑤上屏間。題遍懷人句。得意馬蹄。狂似絮。

不知今夜。眠何處。

賀新郎

花滿藍橋路。函符郎。春情似海。屏開金縷。錦綉
香車珠翠擁。一派銀箏。函鼓。看鶯鳳。繞身飛舞。
椽燭花紅。光似畫。綵繩鋪。旋移蓮步。烟豕起。
博山霧。人間天上。相逢處。隱羅帷。千回萬轉。
未容輕許。漏點不禁良夜短。月落嫦娥。廝如迴。
玉枕鴛鴦交語。兩同心。雙。以咲楚臺。當日
巫山雨。常比翼。白頭誓。

晴雪春詩餘

嘯雪春詩餘

鵲橋仙

七夕

鵲橋高架銀河水淺看一擗纖身輕度離多會
少不堪言漫道是歡娛有數斗迴珠影月今
半鏡恁對客槎來踏相息相守似伊時險
巫山朝暮

卜算子

咏蓮

誰種白蓮花秌到花開處陶令騰：醉談歸香

滿廬山路莫咲出青泥心淨還如許一片疏

璃照影空常向波中住

玉樓春

九十風光恁裡度鶯聲燕影春將暮玉樓一望
柳如煙門外可憐千里路夢中何事頻語
夢覺莫知雲去處傍人虛自如蛾眉對鏡不禁
恁儻聚

一斛珠

敬妓

南宮春詩餘

上

錦堂春曉鏡前拂綽新妝了。容華南國如伊少。
葦菼梢頭似柳腰肢小。鸞袖動香飛雪繞烟
中。一朵芙蓉裏。莫憎明珠買取傾城笑。

雙：燕

穿花度柳。覓曾來住處。舊時玉謝。烏衣巷口多
少珠樓。駕瓦剗地高。下。都變做尋常茅舍。
這回却羨鷓鴣。尚有一枝堪借。猶喜康家富
貴。正蘭室香生。莫恁初嫁。珠簾不捲。相得杏梁
幽雅。且賀新成大厦。春泥軟。落紅芳藉。看取弄

盧 做

影雙：一。擬纖身。烟惹。

憶秦娥

春蕭索。恁紅滿眼。風吹落。柳絲烟。幾吹落雨。矇
隴樓閣。美人粧罷。開朱箔。纔過寒食。羅衫薄。
羅衫薄。正思閑事。舉頭聞鶻。

減字木蘭花二闋

夢殘鶯溜。渡頭桃葉春波皺。何處香風擲果輕。
車薦地。蓬。珠喉。憂玉紅。豈袖來。看黛。感西棟。
飛塵猶共餘香戀錦首。

植本作柳。這煙雨。暗曉。

題函梨花白燕

綺窗春淺香熟梨雲浚小院斜韓東風零亂殘
粧粉半融 楚池並語剪 飛未雙玉料靜掩
重門人與苑花捻斷魂

憶秦娥

春景

花如雪 又過清明節 清明節 輕寒漸退好
風和悅 蜨兒粉翅驚兒舌 曲欄香徑 芳周折
芳周折 踏青人散 一年離別


夏景

爭咲語 淡粧出避朝來暑 朝來暑 水濺鬢梳翠
萍開處 生涼一陣疎 兩菱荷香裡 歸去
人歸去 湘簾紗厨 那時何許

秋景

蟲幽咽 星螢影飛不迭飛 不迭飛 碧梧風細
聲淒切 長空雲靜音鴻絕 天公誰解 修明月
修明月 嫦娥薄命 不勝圓缺

冬景



蘭膏竭長宵最苦燈兒滅燈兒滅夢回無語紙
窗風裂迨玉漏聲悲咽霜颭攪動簷邊鐵
簷邊鐵頻敲枕上擁衾聽雪

河滿子

自題彈琴小像

最愛朱絲聲淡花前湯撫瑤琴世上幾人能好
古高山流水空尋目送飛鴻天外白雲遠樹情
情彈到孤鸞別鶴凄凄還自沾襟指下宮商
多激烈平生一片冰心若話無絃妙處何須更

問知音

鳳臺臺上憶吹簫

別緒

似夢如雲堪憐聚散魂銷烟雨汀洲錦帆高
舉去也難留可惜酒濃春暖陽關唱一霎成秋
黯然別無言有淚半晌位頭休歸期知記
否枉自凝眸嘆鳳簫聲遠空憶綢繆惟是多情
月姊應我兩處悠悠處柔腸宛轉寸離
慙

青玉案

姑蘇舊是繁華處。嘆寂寞、閑來任轉。眼年光三
月暮。幾朝晴暎。幾番風雨。容易春來去。簾前
隱。門前踏。腸斷梁邊燕。飛去。但是情來惟獨
語。花間詩酒。塘邊簫鼓。烟景暝空絮。

一叢花

天空露爽。火西流。籬下一叢秋。翠綃香。疏黃花
早。聽絡緯啾啾。隴水悲涼。澗瀉淒惻。種。助人
憂。風清月冷。旅窗幽。何處弄笙篴。如思似怨。

趙本玉孫下脫魂消

聲。忖。怛。却。難。怪。宋。玉。多。愁。腸。斷。王。孫。蝶。夢。百。憾
在。心。頭。

又二體

西梁春晝。燕來時。苑李一枝。愁腸似柳千絲。
亂。只。說。日。瘦。了。腰。肢。午。夢。乍。回。湘。簾。不。捲。一。晌
是誰知。蘭膏紅豆。記相思。拈着銀雙。眉。鵲聲
報。盡。都。無。準。如。粉。蝶。對。舞。遲。鸞。鏡。塵。生。鴛。衾
香。冷。紅。淚。滴。胭脂。

憶藻丹

青玉案

五

為虛愁多歡少。幾度夢回人杳。照帷春暎又春寒。不覺東風過了。闌干倚遍。閱辜負。端庭花。艸日斜。樹影近。簾前燕子不歸還早。

如夢令

燈與前宵一樣。月與前宵一樣。斗帳繡羅衾也。與前宵一樣。兩樣兩樣。不見五更天亮。

點絳脣

春思

春雨春風。睡起花飛。霰無心。乍面悶倚欄杆遍。

自捲珠簾放出。雙燕垂楊院。波下歲華光。景渾如電。

繡帶子

秋到海棠紅。珠露滴芳叢。此際禪心如水。塔下數聲蛩。色更空。多少事。暮鼓晨鐘。須教領取。一庭花影。別是宗風。

長相思

風也。秋月也。秋數聲促織。夜悠。石畔西欄頭。花也。愁。健也。愁。色空。色。夢難留。人事水東。

流

醉落鳧

做秋風雨一夜海棠開如許粉融脂暈新粧嫵
曉夢猶迷瞥見嬌魂杳暗絡緯敲如語關心
惹起愁千縷莫嫌楚客情偏苦遊子天涯羈緒
無今古

鬪百花

一片韶光明媚當日吳王醉處園林萬點胭脂
人面粉粉相覩滿眼繁華共看閨苑千年莫有

武陵人住蜂蝶爭來去香徑花洲聞道謳歌
盈踏行春五馬悠隼旗沾絮戟戶森嚴斃枝
乍折紅芳最喜連朝甘雨

雙燕

樓臺日暖倒影池塘動搖金碧欄干愁倚垂楊
無力門外青草滿埋沒盡當時行跡爭堪白
晝遲光射紗窗塵隙陌上金鞍繡轂恨薄
倖無端五陵狂客撩花惹柳誤煞錦屏琴瑟轉
眼外九十又紅雨桃蹊狼籍愁眼雨過黃昏

一夢等閑拋擲

黃鸝兒

西頰果花

別樣不勝嬌軟絲、綴碧條海棠恣態此兒較
嫩紅酥款消淡胭脂帶潮香生玉鬢輕含咲最
難描風情無限半晌却停毫

櫻桃花

小朵及春開恠秦源未解裁成蹊無語君休愛
微紅粉腮宜粧咲來花飛樊素朱唇在問根莖

珍禽偏惜含到莫疑猜

虞美人草

纖影弄輕風記闌楚帳中盈、欲舞歌聲身動
英雄踏窟佳夕淚紅蓮花恨血臙脂重別重瞳
千年艷魄爭恐過江東

梅花

經歲漫相息到窗前破臘時問伊清瘦因何事
物東君未知看南枝放遲迨、驛使誰堪寄直
來宜無風有月把酒對冰姿

洛陽花

荒點守宮砂，舊紅生剪彩。科一鼓嫩綠，纖枝亞
輕。碎霞茸，細芽胭脂拂。綽徐熙，画莫言誇
洛陽名好，休羨牡丹花。

杏花

二月正芳晨，賣花聲滿路。春紅酥朵，胭脂印
海棠是後身，細桃是緊隣。美人粉汗含，漸暈一
枝新。曲江筵上，撥使屬何人。

淡竹葉

嫩碧長，堦前似新篁。葉：烟儻痕，細折天生，舊
銅花也。欠鮮石花也。未妍青螺一點，枝頭鷓翠
為鈿。玉臺粧罷，耳帖西眉邊。

蝴蝶花

日暝草花芳，滿鼓開粉拍。光分明，樹：韓憑樣
似臨風採香，怕輕飛過墻。垂鬚展翅，青枝上石
欄傍。幾迴款画點筆，咲滕王。

夾竹桃

疎影碧雲斜，倘嬌生茜色。加丹葩嫩，節春無價

嘯雲齋詩餘

秦及種他玉敵愛他纖
：堯竹枸欄下不爭羞
香筠蕙孫細碎貼朝霞

壽李花

葉：自相當愛翻
：一對芳交輝花萼歡無恙
懷息心長同根莫妨緣情體物多名狀
細斟量田荆此竝猶根廡分行

